


Lepidibitsana la go befa



Puku ya

3

SEPEDI



Go bala ka sehlopha ga go hlahlwa

Pele o bala

- Phetlolla matlakala a kanegelo yeo ba ttilego go e bala. Boledišanang ka ga diswantšho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantšho.
- Hlagiša mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagiša tloltlontšu ye mpsha (lebelela lenaneo ia tloltlontšu ye mpsha kua bokagareng bja letlakala la mafelelo la khabara.

Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo yo mongwe le yo mongwe gore a balele karolo ye nngwe ya sengwalwa godimo

Ditherišano

- Botšiša dipotšišo tša tekatlhao loganyo tše di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlha ditherišano ka phapošing. (Kgetha mešongwana ya maleba yeo e swanelago boemo bja barutwana.)

Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tloltlontšu.
- E re barutwana ba ngwale mešongwana ya dihllopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)

E re barutwana ba diragatše diteng
tša sengwalwa ge go kgonega.



Barutwana ba swanetše go dira mešongwana ye e theilwego godimo ga go bala ka dihllopha ka morago ga ge ba badile. E re barutwana ba šome ka dihllopha go ngwala mešongwana ya maleba ya go bala ka dihllopha yeo e lego kua mafelelong a puku. Ba se ke ba ngwala ka pukung ye. Mešongwana ya go ngwalwa e swanetše go ngwalwa ka dipukung tša bona tša go ngwalela.

Lepidibitšana la go befa



MmaLepidibidi o dula le
balapa la gagwe mo polaseng.
MmaLepidibidi o alamela mae
a 7. O be a letetše gore a
phaphaše.



Ke nako ya gore mae a ka a
phaphaše. Ke fela pelo ya go
bona mapidibitšana a ka a 7.

Ke moka ka le tee ka le tee mae
ka moka a phaphaša. Ka moka ka
ntle ga le tee le le bego le le le
legologolo.

"Thobela! Ke nna Boya," gwa realo
lepidibitšana la mathomo.

"Ke nna Tshepo," gwa realo
lepidibitšana la bobedi la go
phaphašwa.

"Ke nna Basesana" gomme "Ke
nna Noko" gwa realo a mangwe
a mabedi." "Lefase ga se le ka
bogolo!" gwa realo mapidibitšana, a
hlodimela.



Ke makala gore lee le legolo le ile
go phaphašwa neng. Kemakala
gore lepidibitšana la ka la
maf elelo le tlile go ba le le bjang.

MmaLepidibidi a dula a ba a
dula godimo ga lee le legologolo.
Letšatši le thoma go sobela.

Mafelelong lee le legologolo la
ba la phaphaša. Lepidibitšana la
mafelo la tšwa le fofafafa.

Le bonala e le le legolo e bile le
na le maatla eupša le be le sa
swane le ge e le tee la a mangwe
mapidibitšana ao a sa tšwago go
phaphašwa.


Ke tšwile!
Lefase ga se le ka
bogolo!

Mesong ye e latelago,
MmaLepidibidi a kgokgoetva
mapidibitšana a gagwe a a gapela
letangwaneng.

"Bonang lepidibitšana la mafelelo!
Lepidibitšana le, ke la seboleo sa
go se tlwaelege!" gwa goelela pere.

"Ha ha ha! E tloga e le lepidibidi la
go makatva," gwa sega kgomo.


Phakišang bana! Re ya
go thutha.




Mapidibitšana ka moka a fofela
ka mogobeng. A thutha, a ba a
kgapšhaganya, a ba a thinyetša
ka meetseng.



Se se makatšago ke gore
lepidibitšana la go befa le
thutha go phala a mangwe ka
moka.





Lepidibidi la go befa le be le sa
thabele go dula polaseng.

Diphooftolo tše dingwe di be di
sa rate lepidibitšana la go befa.

Dikgogo di a le kobola mola
dimpša di le bogola.

"Di a ntšhaba ka gore ke befile,"
la realo.



Ka letšatši le lengwe bošego,
lepidibitšana la go bef a la tšea
sephetho sa go tšhaba gae.
"Ka maka ga ba ntshware
gabotse. Go kaone ke itšhabele,"
la realo.



Lepidibitšana la sepelela
thokong ya noka. Gona kua la
bona dinonyana tše dintši tše
dibotse di thutha ka nokeng.
Mafofa a tšona a boreledi kudu.
Di na le melala ye metelele.
Maphego a tšona a bethana ka
boleta ge a dutše a fofa.

"Ke duma ge nka bapala le bona.
Ke ba babotsana. Nna ke befile
kudu," lepidibitšana le lennyane
la realo ka go nyama.





Lehlwa la thoma go wa gomme
ka pelanyana gohle go be go
šweuf etše. Go be go tonya kudu
gomme noka ya fetoga aese.
Lepidibitšana la batho la go befa
le tsenwe ke phef o ebole ga se la
thaba. "Ke swanetše go iphihla,"
gwa realo lepidibitšana.



Ka morago gwa tla Seruthwana.
Letšatši la phadima gape le
mehlare ya mpshafala ya ba ye
metala.


Mosong wo mongwe lepidibitšana
la go befa le ile la ya nokeng la
bona maganse a mabotse gape.



Lepidibitšana le bogetše
maganse a thutha. Le nyamile
kudu.

La thoma go lla.

"Ke befile kudu. Ke modulanoši.
Ga ke na bagwera."



Ge le ntše le lla, la lebelela tlase
makgatheng ga megokgo ya
lona. La ipona ka meetseng.
“Naa ke nna?” la realo.
“Ke nna leganse!”

Ka yona nako yeo, maganse a mangwe a thutha mo pele ga lona. A bitša lepidibitšana la go befa gore le tle le thuthe le ona.

Lepidibitšana la go befa la fofela ka meetseng. La ikwa le thabile magareng ga maganse a mabotse.

Etla o thuthe le rena.
O leganse go no swana le
rena! O leganse le lebotse
go phala maganse ka moka.



Mešongwana ya go bala ka sehlopha



1 Bolela ka ga kanegelo.

- a. Naa o rata kanegelo ye?
Ef a lebaka la karabo ya gago.
- b. Naa mae a ile a phapha a ka sehla sefe?
Ke ka lebaka la eng o realo?
- c. Naa lepidibitvana la go befa le be le tloga le befile?



2 Feleletša ditiro tše le mogwerago.

- a. Hwetša mantšu a a nago le medumo ye e latelago mo kanegelong:
ph sw - th - kg - -ng

- b. Ngwalolla mafoko a a latelago, ka lebaka le le fetilego.

Mae a a phapha a gomme letsuana la lepidibitšana la taboga la tšwa.

Lepidibitšana le a kgap hagana, le a thinya la ba la thutha.

- c. Ngwala maswaodikga mo mafokong a:

• , ? !

Ke tlile go t haba gwa realo lepidibitšana

ha ha ha lebelela lepidibitvana lela le le
makat ago gwa realo kgomotshadi

na ke wena eng lepidibidi goba lekalakune

“ ”

” ”

- d. Ngwala mafelelo a maswa a kanegelo ka mafoko a mane goba a mahlano. Thala seswantšho sa go nyalana le mafelelo a maswa.



3

Šoma le mogwera. Lebelelang diswantšho tše 2 tše. Bonang gore le ka hwetša diphapano tše kae magareng ga tšona.

1



2



4

Nyalanya diphoofolo tše di latelago le bana ba tšona:

lepidibidi
swan
kolobe
kgomo
mpša
katse
tau
kgogo
leganse

namane
lepidibitšana
katsana
mpšanyana
kolobjana
legansana
tawana
pešana
letsuana




5

Bala phoustara gomme o rerišane le mogwera wa gago ka ga yona.



Ditokelo tša bana

Bana ba ba ntši ga bahlokomelwe, ba a tlaišwa, ba a gobatšwa, ba a kgareetšwa, gape ba a rogwa. Mang le mang yo a go timago.



Bana ka moka ba na le tokelo ya go ratwa,
go kwešišwa le go hlokomelwa.

Ba na le tokelo ya go fiwa thuto,
go bapala le boithabišo.

Ba na le tokelo ya go fiwa dijo,
le go dula ka ngwakong,
gape le go swarwa gabotse.

Ba na le tokelo ya go hlokomelwa ge ba babjwa, ba alafiwa, le go šireletšwa ge ba tlaišwa le ge ba sa hlokomelwe.

LELEME LA GAE MPHATO WA 2



Puku ya 3

Hlogo:	Lepidibitšana la go bəfə
Leleme:	Sepedi
Kgato ya:	Leleme la gae Mphato wa 2 Kgato ya 2 Puku ya 3
Mohuta wa sengwalwa:	Kanegelo
Mantšu a tlwaelo:	tla, mae, bona, kile, tee, gore, kua, aese, gape, thutha
Tlotlontšu:	dula, mae, bəfə, godimo, fofela, bogola, bapala, nokeng, phadima, mafəfə
Medumo:	bj, ng, tl, th, kg, kh, ph, ts, tš, š, tšh, tsh, tsw, tšw, aa, ee, oo, ea, ou, i, u
Diteng, mareo le mabokgoni:	<ul style="list-style-type: none">▪ Go fə maikutlo a gago ka ga kanegelo.▪ Go arabə dipotšišo tša go nyaka go nagana le go fə mabaka.▪ Go hwetša mantšu mo kanegelong ao a nago le medumo ye e latelago: hl, tl, th, ph, kh, kg, ts, tš, tšw, tsw, š, ea, ee, oo, aa,▪ Go ngwala mantšu ka pukuntšung ya gago.▪ Go ngwalolla mafoko ke lebaka la lefetile.▪ Go šupa le go phošolla diphošo tša maswaodikga.▪ Go ngwala bofelo bjo bo boswa bja kanegelo.▪ Go nyalanya diphoofolo le bana ba tšona.▪ Go bala phoustara.

SEPHOLEKE (CAPS) se nyaka gore barutiši ba bee nako ka thoko letšatši ka letšatši go bala ka sehlopha se se itšego sa go hlahlwa.

Go bala ka sehlopha sa go hlahlwa go nyaka gore barutwana bao ba lego maemong a go lekana ka go bala ba bale sengwalwa sa go swana. ka dihlopha ka tlhahlo ya morutiši.

Morutiši o swanetše go beakanya paka ya go bala gore e akaretše mekgwana ya go bala go ya ka go bala ka go bona mantšu le difoneme le ya kwešio yeo barutwana ba tla e hlokago ge ba bala.

Gape mekgwana ye ya go bala e nyaka gore go be "go bolelwa ka sengwalwa" magare ga morutiši le bana gape le magare ga barutwana mo sehlopheng.

Dipuku tše di akaretša 'go bolela ka sengwalwa'. tekatlhaooganyo le mešongwana ye mengwe ya go thuša barutiši gore ba kgone go hlahlwa go bala ka sehlopha ka diphapošing tše bona.

ISBN 978-1-4315-2504-1



9 781431 525041



ISBN 978-1-4315-2504-1

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Author: V McKay

**Dipuku tše dingwe tše
Leleme la gae tše Mphato
wa 2. Rakeng ya dipuku:**



Boati o hwetša bagwera ba
baswa

Bophelo bjo boima

Ka fao Pitsi e hweditšeego
mebala ya yona

Jerry o rata go bala



Bubu ngwana wa tlou o a
timela

Bagwera ba direlana bjalo

Lepidibitšana la go befa



Paeskela ye mpsha ya
Mogoroši

Diphoofolo di etela lewatle

Leru Leruarua, o a pholosa